



Broj: 03-50-1-141-8/09
Sarajevo, 3.9.2009. godine

**Z A P I S N I K
8. sjednice Vijeća nacionalnih manjina Bosne i Hercegovine
Održane 3.9.2009. godine**

Sjednica je počela u 12,30 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manzalović, Jakob Finci, Iren Milojević, Šalaka, Darko Kovč, Jakob Finci, Halil Bica, Tihomir Knežiček, Andrija Svatok Hidajeta Redžić i

Varan Hakan.

Opravdano je odsustvovao Marije Grbić i _____.

Sjednici prisustvuje Jadranka Korać, Šef računovodstva u Prlamentarnoj skupštini BiH.

Predsjedavajući Vijeća Nedžad Jusić, nakon što je pozdravio prisutne, poželio je dobrodošlicu novoimenovanim članovima Vijeća Hidajeti Redžić i Varan Hakanu. Obavjestio je prisutne da je Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH imala nezgodu, da je slomila ruku i da neće prisustvovati današnjoj sjednici, sjednica se snima pa će zapisnik sa ove sjednice uraditi naknadno, a zapisnik sa 7. sjednice bit će usvojen na narednoj sjednici.

Darko Kovč, predložio je da se pod tačkom Razno, razmotri Pravilnik o radu Vijaća nacionalnih manjina sa prijedlogom da isti usvoji Parlamentarna skupština BiH.

Predsjedavajući Vijeća Nedžad Jusić, istakao je da su zaključci sa 7. sjednice Vijeća upućeni Ministarstvu za ljudska prava i izbjeglice BiH, te da i pored toga Ministarstvo nije uključilo prof. Tihomira Knežičeka, u rad Radne grupe za revidiranje Akcionog plana o obrazovnim potrebama Roma i ostalih nacionalnih manjina u BiH. Istakao je i problem oko imenovanja člana iz reda Roma, te da nije prihvaćen njegov prijedlog za izbor doktora nauka, već je izabrano drugo lice neadkvatne stručne spreme.

U diskusiji je učestvovao i prof. Tihomir Knežiček.

Nakon rasprave, Vijeće je jednoglasno usvojilo zaključak da se uputi urgencija Ministarstvu za ljudska prava i izbjeglice BiH da se prof. Knežiček uključi u rad radne grupe za revidiranje akcionog plana o obrazovnim potrebama Roma i ostalih nacionalnih manjina BiH.

Predsjedavajući Vijeća Nedžad Jusić, predložio je sljedeći

DNEVNI RED

1. Informacija sa monitoringa Akcionih planova-Ministarstvo prosvete RS i Ministarstvo obrazovanja Tuzlanskog kantona;
2. Informacija o stanju budžeta Vijeća nacionalnih manjina (finansije) i Prijedlog budžeta za 2010.godinu;
3. Analiza sa održanog okruglog stola Položaj nacionalnih manjina u Bosni i Hercegovini i zaduženja po zaključcima;
4. Razmatranje Poziva za dostavu prijave Odjela za ljudska prava Misije OSCE BiH za romske aktivnosti;
5. Razno:
 - Usvajanje Pravilnika o radu Vijeća nacionalnih manjina BiH.

Ad. 1. Informacija sa monitoringa Akcionih planova-Ministarstvo prosvete RS i Ministarstvo obrazovanja Tuzlanskog kantona

Predsjedavajući Vijeća Nedžad Jusić, istakao je da postoji tehnički problem prilikom izrade zapisnika sa održanih sastanaka, te ukazao na potrebu angažovanja stručne osobe za obavljanje navedenih poslova, te sugestiju zajedničkoj komisiji za pružanje navedene tehničke pomoći. Naveo je da je prijem u Ministarstvu prosvete RS bio dobar, ali da su uočeni problemei vezani za Akcioni plan, odnosno da u u tom ministarstvu nisu nikad vidjeli isti, kao i probleme vezano za informisanje nacionalnih manjina. Tuzlanski kanton raspolaže podacima vezanim za Akcioni plan, ali da i tu ima problema naročito kroz zapošljavanje pripadnika nacionalnih manjina i to Roma.

U raspravi o ovoj tački učestvovali su: Nedžad Jusić, Andrija Svatok i Jakob Finci.

Nakon rasprave o ovoj tački dnevnog reda, jednoglasno je usvojen zaključak da se u Izvještaju o radu za 2009.godinu, navede da su nezadovoljni realizacijom Akcionog plana (zapošljavanje, obuka, jezik), te da se time vrši diskriminacija prava nacionalnih manjina.

Ad. 2. Informacija o stanju budžeta Vijaća nacionalnih manjina (finansije) i Prijedlog budžeta za 2010.godinu

Jadranka Korać, u uvodnoj riječi obrazložila je stanje budžeta Vijeća nacionalnih manjina u prvih devet mjeseci 2009.godine. Istakla je da u budžetu postoje dvije stavke i to: pozicija putnih troškova i pozicija ugovorenih obaveza. Reprezentacija je potrošena samo za organizovanje Okruglog stola i to ukupno 1332. KM, te da je od tog iznosa donator snosio troškove u iznosu od 600KM. Za rad Vijeća ukupno je utrošeno 42.468KM. Prilikom planiranja budžeta tražen je iznos od 120.000KM, ali zbog sveukupne finansijske krize taj iznos je smanjen na 100.00KM, te je u skladu s tim i naknada za rad članovima Vijeća biti smanjena na iznos od 500KM mjesečno. Predložila je da se izvrši prestrukturiranje budžeta do kraja godine.

U raspravi o ovoj tački dnevnog reda su učestvovali: Jadranka Korać, Nedžad Jusić, Darko Kovč, Andrija Svatok, Jovanka Manzalović Šalaka, Jakob finci, Tihomir Knežiček i Varan Hakan.

Nakon rasprave o Izvršenju budžeta za period januar-juni 2009.godine, utvrđeno je da na poziciji ugovorenih usluga nedostaje iznos od 10.000KM za isplatu naknade članovima Vijeća nacionalnih manjina, te je jednoglasno usvojilo sljedeći

Z A K L J U Č A K

1. Zbog povećanja broja članova Vijeća nacionalnih manjina Bosne i Hercegovine, potrebno je izvršiti prestrukturiranje planiranih rashoda u iznosu od 10.000KM, sa pozicije putnih troškova na poziciju ugovorenih usluga, čime bi se obezbjedio dovoljan iznos sredstava za isplatu naknada za rad po odluci Zajedničke administrativne komisije Parlamentarne skupštine BiH u iznosu od 600KM.

Nakon rasprave o Prijedlogu budžeta za 2010. godinu, Vijeće je jednoglasno odlučilo da se za 2010.godinu predloži budžet u iznosu od 120.000KM.

Vijeće je jednoglasno usvojilo i zaključak da se za sljedeću sjednicu dostavi Odluka o prestrukturiranju budžeta.

Ad. 3. Analiza sa održanog okruglog stola Položaj nacionalnih manjina u Bosni i Hercegovini i zaduženja po zaključcima

Vijeće je usvojilo jednoglasan zaključak da se na sljedeću sjednicu pozovu predstavnici vijeća nacionalnih manjina iz Republike Srpske i Federacije Bosne i Hercegovine, kako bi zauzeli zajednički stav povodom izmjena Ustava i Izbornog zakona i time poboljša saradnja predstavnika nacionalnih manjina.

Ad. 4. Razmatranje Poziva za dostavu prijava Odjela za ljudska prava Misije OSCE BiH za romske aktivnosti

Predsjedavajući Vijeća Nedžad Jusić, informisao je članove Vijeća o prijavi na javni poziv Odjelu za ljudska prava Misije OSCE BiH za romske aktivnosti, na koji se prijavio i bio odbijen iz razloga da je prekvalifikovan za navedenu obuku.

Nakon rasprave u kojoj je učestvovao i Jakob Finci, predloženo je da bi se trebalo obratiti Misiji OSCE BiH sa prijedlogom da zbog kvalifikacija, predlože Nedžada Jusića za predavaća.

Ad. 5. Razno: Pravilnik o radu Vijeća nacionalnih manjina BiH.

Darko Kovč, predložio je da Parlamentarna skupština BiH što prije da saglasnost na Pravilnik o radu vijeća nacionalnih manjina BiH, kako bi zaštitili svoj status i prava, kako ne bi bili zatečeni sa izmjenama Odluke po kojem mandat članova Vijeća prati mandat članova Parlamentarne skupštine BiH.

U raspravi o ovoj tački dnevnog reda učestvovali su. Darko Kovč, Nedžad Jusić, Jakob Finci, Hidajeta redžić, Varan Hakan i Jovanka Manzalović Šalaka.

Nakon rasprave Vijeće je jednoglasno usvojilo zaključak, kojim će predložiti članovima Zajedničke komisije da zbog preuzetih aktivnosti, predlože ovaj saziv Vijeća nacionalnih manjina i nakon izbora 2010.godine, te da se promjeni Odluka o osnivanju vijeća nacionalnih manjina BiH, u dijelu da udruženja nacionalnih manjina predlažu članove Vijeća umjesto zajedničke komisije.

Sjednica Vijeća je završena u 14,17 sati.

**Predsjedavajući Vijeća
Nedžad Jusić**